

## **Claudii Fleurii Abbatis Historia Ecclesiastica**

Ab anno Christi 1589. usque ad annum 1595 - Una Cum Criticis R.P.  
Honorati A S. Maria Carmel. Discalc. Observationibus In Historiam  
Ecclesiasticam Abbatis Fleurii

**Fleury, Claude**

**August. Vind. [u.a.], 1772**

**VD18 90118669**

§. 38. Rex tentata Senonensis Urbis obsidione recedere coactus.

---

[urn:nbn:de:hbz:466:1-67252](#)

Verum in Francia, & Parisiis vix non desperata foederatorum conditio manifestius apparebat: quocirca Legatus, cum res omnium oculis pervia occulti haud posset, quædam concordiæ pacta proposuit, moxque Villaregius cum Plessio Mornæo prope Meduntam in Suindrinensi arce desuper conferebat, ac ipsem Legatus paulopost aliud colloquium instituit Nosiaci, quæ arx Rentensi Marescallo Gondii Cardinalis, qui unacum Marescallo aderat, fratri parebat: verum hæc consultatio successu suo frustrabatur, Rege continuato victoriarum cursu plures regiones emetiente: die autem tertia Aprilis castris Melodunum promotis hanc urbem occupavit, eodemque tempore Moretum, & Crassiarum suis armis subjecit: inde vero Monasteriolum, Pontem ad Sequanam & Merium contendit.

Sæcul. XVI.  
A.C. 1590.

### §. XXXVIII.

*Rex tentata Senonensis Urbis obſi-  
dione recedere coactus.*

Postea Rex Senonensem urbem, cui *Thuan. l. 98.*

Jacobus Harlæus Chanvallonius Gubernator præerat, ad ditionem provocare aggreditur: cum autem ci-  
ves urbem suam quovis periculo de-  
fendere parati essent, Rex vim adhibere

E 4 haud

**Sæcul XVI.**

A.C. 1590.

haud consultum ratus, Parisios versus iter prosequebatur: ut autem Chanvalionius Regis copias distineret, hocque pacto Parisiensibus ad Urbis suæ propagationem amplum temporis spatiū concederet, Aumontio Marescallo, Senonenses cives nullo ferme negotio subigi posse, significabat, quinimo Gubernator jamjam deditioñis articulos proponebat. Ergo Aumontius Marescallus eo revertitur, ipsusque Rex unacum exercitu suo huic urbi appropinquat: cum vero se turpiter delusum cerneret, nonnisi unico tentato assultu sese recepit, Parisinam Urbem cincturus.

## §. XXXIX.

*Frustraneus Legati conatus pro concilianda pace.*

*Davit. l. 11.**Tauan. l. 98.*

Legatus cum omnes hujus Urbis adiutus regio milite obseffos, cunctasque vias ad annonam Urbi inferendam oportunas a Rege interclusas cerneret, de induciis cogitare cœperat, ut interea foederati annonam advehere possent: hanc in rem ad Bironium Marescallum, qui Provini ad expeditionem a Rege decretam necessaria parabat, datis literis hæc eidem significabat: „maximi momenti res habeo, quas tibi communicare debeo, proin te rogo, „ut Marco Antonio Mocenico Cenetensi

Episco-